

**Namminersornerullutik Oqartussat nalunaarutaat nr. 11, 20. august 2004-meersoq
Suliffeqarfiit mingutsitsivallaartut il.il. avatangiisinut tunngatillugu
akuersissuteqarfigineqartarnerat pillugu**

Avatangiisit innarlitsaaliorneqarnissaannik Inatsisartut peqqussutaat nr. 12, 22. december 1988-imeersumi kingullermik Inatsisartut peqqussutaat nr. 1, 21. maj 2004-meersukkut allangortinneqartumi § 7, § 16, imm. 2 aamma imm. 3 aamma kapitali 5, § 46 aamma § 47 naapertorlugit makkua aalajangersarneqarput:

Kapitali 1

Nassuiaatit

§ 1. Akugisat aniasut nalingisa killissaat tassaavoq akugisap aalajangersimasup anianerani qaangeeqqusaanngitsoq. Naligisap killinga nalunaarneqarsinnaavoq akugisat annertussusiatut (soorlu mg/m³) imaluunniit piffissami aalajanersimasumi akugisap aniasup katillugu annertussusiatut (soorlu g/s imaluunniit kg/time).

Imm.2. Avatangiisinut sunniutit nalingisa killissaat tassaavoq akugisap aalajangersimasup avatangiisini nalingata killinga. Naligisap killinga akugisat aalajangersimasut katersuunnerattut nalunaarneqassaaq (soorlu mg/m³).

Kapitali 2

Atuuffii

§ 2. Nalunaarummi matumani suliffeqarfiit mingutsitsivallaartut il.il. avatangiisinut tunngatillugu akuersissuteqarfigineqartarnerat pillugu malittarisassat aalajangersarneqarput. Nalunaarut avatangiisit innarlitsaaliorneqarnissaannik Inatsisartut peqqussutaanni kapitalinut 4, 9, 10 11-mullu ataqatigiissillugu atorineqassaaq.

Imm. 2. Suliffeqarfiit il.il. mingutsitsivallaartut tassaapput suliffeqarfiit, atortorisat aqqissukkallu ilanngussaq 1-imi nalunaarsorneqarsimasut.

Kapitali 3

Akuersissuteqartarneq

§ 3. Suliffeqarfiit mingutsitsivallaartut, atortorisat aqqissukkallu nalunaarsuivimmi § 2, imm. 2-mi ilaasut sananeqaqqusaanatillu aallarteqqusaanngillat akuersissuteqarfigineqarsimanngikkunik.

§ 4. Suliffeqarfiit, atortorisat aqqissukkalluunniit § 2, imm. 2-mi nalunaarsuiffimmut

ilanngunneqarsimasut nalunaarummi matumani malittarisassat malillugit akuersissuteqarfigineqarumallutik qinnuteqarsinnaapput.

§ 5. Suliffeqarfiit, atortorisat aaqqissukkallu §§ 3 aamma 4-mi taaneqartut allileqqusaanngillat illutatigullu imaluunniit ingerlatsinikkut allannqorteqqusaanatik mingutsitsinerulernermik kinguneqartumik, allilerineq allannqortitsinerluunniit akuersissutigineqarsimatinnagit.

§ 6. Avatangiisinut Pinngortitamullu Pisortaqaarfiup, mingutsitsinermut tunngasut immikkut misissortariaqarsorineqarpata, piumasarisinnaavaa suliffeqarfiit, atortorisat aaqqissukkalluunniit aalajangersimasut nalunaarsiufimmi § 2, imm. 2-mi ilaagunik ilaanngikkunilluunniit piffissap aalajangersimasup iluani akuersissuteqartoqarnissaanik qinnuteqassasut § 3-mi taaneqartutut.

Kapitali 4

Akuersissuteqartoqarnissaanik qinnuteqarneq

§ 7. §§ 3-6 naapertorlugit akuersissuteqartoqarnissaanik qinnuteqaat allaganngorlugu tunniunneqassaaq paasissutissanillu ilanngussaq 2-mi taaneqartunik ilaqassalluni. Paasissutissat suliffeqarfimmut il.il. pineqartumut tunnganngippata qinnuteqaammi nalunaarneqassapput.

§ 8. Akuersissuteqartoqarnissaanik qinnuteqarfigineqassaaq Avatangiisinut Pinngortitamullu Pisortaqaarfik.

Kapitali 5

Akuersissuteqartoqarneranik aalajangiineq

§ 9. Akuersissuteqartoqarsinnaanngilaq sumiiffigisamut pineqartumut kommunimi sumiiffimmiluunniit pilersaarutit naapertorlugit suliffeqarfik, atortorisat il.il.sananeqarsimanngippata.

§ 10. Avatangiisinut Pinngortitamullu Pisortaqaarfik akuersissuteqarsinnaavoq qularnaatsumik paasinarpat suliffeqarfik mingutsitsineq pinaveersimatinniarlugu akiorniarlugulu naammattunik aaqqissuussisimasoq kiisalu suliffeqarfiup ingerlanneqarnera aaqqissuussimallugu sapinngisamik avatangiisinut minnerpaamik akornusiisinnaanngorlugu.

Imm. 2. Suliffeqarfiup mingutsitsineq pinaveersimatinniarlugu akiorniarlugulu naammattunik aaqqissuussisimanerata nalilersornerani naatsorsuutigineqassapput sumiiffimmi pineqartumi pisutsit kiisalu teknologikkut ineriartorneq, tassani makkua pingaartillugit:

- 1) ingerlatsinerup avatangiisinut mingutsitsisinnanera sapinngisamik minnerpaalersinneqarsimassasoq
- 2) nukissamik nioqqutissiassanillu atuinerup annikillisarnissaanut periarfissat atorneqarsimassasut
- 3) akoorutissat ajoqutaanerusut pasinapiluttulluunniit ajoqutaannginnerusunik pasinapilunnginnerusunillu taarsernissaannut periarfissat atorneqarsimassasut
- 4) nioqqutissiornerit atorluanaanerpaanissaannut periarfissat atorneqarsimassasut, soorlu aaqqissukkat matoqqasut atorlugit, aamma
- 5) igitassanik pilersitsineq pinngitsoorneqarsimassasoq, tamannalu ajornartillugu atueqginnermut kaaviiartitseqqinnermullu periarfissat atorniarneqarsimassasut.

§ 11. Akuersissummi avatangiisinut teknikkimut tunngasut allaaserineqarsimassapput pilersaarullu qinnutigineqartoq nalilerneqarsimassalluni.

Imm. 2. Avatangiisinut teknikkimut tunngasut allaaserineqarnerannut ilaassapput pissutsit akuersissuteqarnermut tunngavigineqartut, tamatumani ilanngullugit suliffeqarfiup inissisimanagera, minngutsitsinerup suussusia annertussusialu aaqqissuussinerillu mingutsitsineq pinngitsoorniarlugu suliffeqarfiup suliariniarlugit nalunaarutigisimasai.

Imm. 3. Avatangiisinut teknikkimut tunngasut nalilersornerannut ilaassaaq § 11 malillugu akuersissuteqarnissamut tunngavissat naammassineqarsimanerat pillugu nassuiaat.

Imm. 4. Akuersissummi suliffeqarfiup pilersinneranut ingerlanneranullu piumasaqaatit aalajangersakkat allassimassapput. Piumasaqaatini aalajangersarneqarsinnaapput:

- 1) Akugisat aniasut nalingisa killissaat, silaannaqarnerpaaffissaq aniatitsinernullu ataasiakkaanut tamanut aniatitsinerup annertussusia akoorutissat mingutsitsisut silaannarmut aniatinneqartillugit.
- 2) Akugisat aniasut sunniutillu nalingisa killissaat kiisalu kuuffinni ataasiakkaani tamani ermup igitap annerpaaffissaa, akoorutssat mingutsitsisartut kangerlunnut imaanullu aniatinneqartillugit, kiisalu imermik nillartaatsissummik aniatitsisoqartillugu erngup nillartaatsissutip aniatitsivigisami nalinginnaasumik kissassutsimut sanilliullugu qanoq kissarnerutiginnissaanut killissat.
- 3) Nipiliornerup killissai.
- 4) Suliffeqarfiup imminut nakkutiginnissaanut piumasaqaatit, tamatumani ilanngullugit nalunaarlugit uuttueriaatsit naatsorsueriaatsillu, uuttuinerit akulikissusiat, killissat malinneqarnerannut nalileeriaaseq, imminut nakkutiginnermi angusat qaqugukkut nalunaarutigineqartarnissaat, kiisalu misiligitissanik tigusineq misissueqqissaarnerlu suliffeqarfiup nammineq ingerlassinnaaneraimaluunniit laboratoriamit akuerisamit ingerlanneqassanersut.
- 5) Nunap, nunap eqqamiittup, nunap iluani ermup, kuuit, tatsit, sikup immallu illersornissaannut piumasaqaatit.
- 6) Suliffeqarfimmi igitat passunnissaannut uninngatinnissaannullu piumasaqaatit.
- 7) Tipip ajoqutaanerata killilernissaanut piumasaqaatit.
- 8) Ingerlatsinermi pisarnejq malinnagu pisoqartillugu suliffeqarfiup qanoq iliornissaannut piumasaqaatit.
- 9) Suliffeqarfiup aaqqissugaaneranut ingerlanneranullu piumasaqaatit, pisariaqartut qulakkeerumallugu suliffeqarfiup avatangiisiminik annertuumik mingutitsinninnissaa, ilaatigut ajutoornermi.
- 10) Ingerlatsinerup uninnerani suliffeqarfimmit unittumiit mingutsitseratarsinnaaneq pinngitsoorniarlugu pisariaqartumik aaqqissuussinissanut piumasaqaatit.

Imm. 5. Akugisat aniasut nalingisa killissaat imm. 4-mi, nr.1-imi 2-milu taaneqartut aalajangersarneqassapput sulinnermi atortunit aniatitsiviusunut, taamaattoqassappallu imerpallasaanginnermi. Akugisat aniasut nalingisa killissaat ilaneqarsinnaapput uuttuutinilluunniit allanik taarserneqarsinnaallutik. Akugisat aniasut nalingisa killissaat uuttuutillu allat aalajangersarneqarsinnaapput tekniki atoriaannaq pitsaanerpaaq tunngavigalugu, teknikip teknologiilluunniit aalajangersimasup atornissaa piumasarinnikkaluarlugu.

Imm. 6. Akuersissuteqarnermi piumasaqaatit nalunaarutigineqartut pinngitsooratik malinneqassapput.

Imm. 7. Akuersissummi piumasarineqarsinnaavoq suliffeqarfiup Avatangiisinut Pinngortitamullu Pisortaqarfimmut pinngitsoorani nalunaarnissaa, aammalu piumasatut aalajangersarneqarsinnaavoq

suliffeqarfiup ataavartumik avatangiisinik misissuinnissaa misiuinernulluunniit akiliinissaa.

§ 12. Akuersissut piffissami aalajangersimasumi atortussanngortinneqarsinnaavoq.

Imm. 2. Akuersissut piffissami aalajangersimasumi atortussanngortinneqarsinnaavoq akuersissummut tamarmut akuersissutilluunniit immikkoortuinut ataasiakkaanut.

Imm. 3. Piffissami aalajangersimasumi atortussanngortitsineq atorpeqassappat akuersissummi

- 1) ilisimatitsissutigineqassaaq akuersissutip qaqugu naanissaa,
- 2) inatsisitigut illersugaaffiup atuuttup sivilissusissaa ilisimatitsissutigineqassaaq, aamma
- 3) piffissamut aalajangersimasumut atuunnissaanut patsisaasoq immikkut ilaassaaq.

§ 13. Illulortiterneq sanaartornerlu ingerlanneqassappata akuersissut piffissaq naammagittaalliorfissaq naatinnagu nalinginnaasumik atorpeqarsinnaanngilaq.

§ 14. Avatangiisinut Pinngortitamullu Pisortaqarfiup aalajangersinnaavaa akuersissuteqarnissaq pisariaqanngitsoq suliffeqarfimmut aalajangersimasumut ilanngussaq 1-imi *-imik nalunaaqutsigaasumut, suliffeqarfik sananeqarpat kommunimi sumiiffimmiilluunniit pilersaarummi akuerisaasumi inuutissarsiutigalugu suliffeqarfimmut taamaattumut atugassanngortitsisimaneq naapertorlugu.

§ 15. Akuersissummi aalajangersagaqassaaq akuersissut atorunnaassasoq piffissaliussa qaaq angitsoq qaangiutsinnagu atorpeqarsimannikkuni. Akuersissutip nalunaarutigineqarneraniit ukiut marluk sinnerlugit piffissaliisoqarsinnaanngilaq.

§ 16. §§ 3-6 naapertorlugit akuersissutit Avatangiisinut Pinngortitamullu Pisortaqarfimmit aalajangiiffigineqartassappat kommunalbestyrelsen tusarniaaffigineqareerneratigut.

§ 17. Nalunaarut manna naapertorlugu akuersissutini suliasat pillugit Peqqinnissaqarfiup Nakkutilliisoqarfia tusarniaaffigineqartassaaq.

§ 18. Nalunaarut manna malillugu akuersissut nuna tamakkerlugu aviisitigut tamanut saqqummiunneqassaaq kiisalu sumiiffimmi pineqartumi periaaseq nalinginnaasoq atorlugu.

§ 19. Akuersissuteqarnerup kingornatigut ukiut arfineq pingasut sinnerlugit qaangiuppata, tak. § 12, Avatangiisinut Pinngortitamullu Pisortaqarfiup piumasaasut akuersissummi nutaami allanngortissinnavaa, avatangiisit patsigineqarpara, imaluunniit saleeriaatsit pitsaanerusut nioqqutissioriaatsilluunniit mingutsitsinnginnerusut ineriartortinneqarsimappata.

Kapitali 6

Peqqussutit inerteqqutillu

§ 20. Akuersissuteqarnermi piumasaqaatit, tak. § 11, imm. 4, unioqqutinneqarpara, taamaalilluni suliffeqarfik atortui aqqissugaaneraluunniit Avatangiisinut Pinngortitamullu Pisortaqarfiup isumaa malillugu annertuumik mingutsitsinermik kinguneqarlutik, imaluunniit akuersissuteqarnermi aalajangersakkanik qaangiisumik, Avatangiisinut Pinngortitamullu Pisortaqarfiup pitsanngorsaalluni iliuuseqarnissaq peqqussutigisinnaavaa.

§ 21. Mingutsitsineq iluarsivigineqarsinnaanngippat, imaluunniit § 20 naapertorlugu peqqussut unioqqutinneqarpat Avatangiisinut Pinnngortitamullu Pisortaqarfiup ingerlatsinerup nanginnissaa inerteqqutigisinnaavaa piumasarisinnaallugulu suliffeqarfik, atortui aaqqissugaaneraluunniit peerneqassasut.

§ 22. Mingutsitsineq peqqinnissamut navianaateqarluinnarpat ingerlatsinerup unitsikkallarnissaa kommunalbestyrelsip peqqussutigisinnaavaa. Tamatuma kinguninnguatigut kommunalbestyrelsip Avatangiisinut Pinnngortitamullu Pisortaqarfik pisoq pillugu ilisimatissavaa, taavalu Avatangiisinut Pinnngortitamullu Pisortaqarfiup inerteqqut isummerfigissavaa.

§ 23. Akuersissutip atuuffiata nalaani, tak. § 12, tamaallaat peqqussuteqarlunilu inerteqquteqartoqarsinnaavoq §§ 20-21-lu malillugit, imaassimappat:

- 1) akuersissuteqarnermi piumasaqaatit unioqqutinneqartut
- 2) mingutsitsinerup ajoqutaasumik sunniutai pillugit paasissutissat nutaat pingaarutillit saqqummersimasut,
- 3) mingutsitsineq annertuumik avatangiisinut ajoqusiisimasoq akuersissuteqarnerup nalaani ilimagereerneqarsinnaanngitsunik, imaluunniit
- 4) mingutsitsineq akuersissuteqarnermi tunngavigineqartunit annertuumik ingasanneruppat.

Kapitali 7

Naammagittaalliuuteqartarnermut pineqaatissiisarnermullu aalajangersakkat

§ 24. Nalunaarut manna malillugu aalajangikkat tamarmik naammagittaalliuutigineqarsinnaapput Avatangiisit innarlitsaaliorneqarnissaannik Inatsisartut peqqussutaanni kapitali 10-mi aalajangersakkat malillugit.

§ 25. Akiliisitsinermik pineqaatissinneqarsinnaavoq:

- 1) § 3 imaluunniit § 5 malillugit akuersissuteqarfigineqarani suliffeqarfimmik pilersitsisoq, aallartitsisoq ingerlatsisorlu.
- 2) § 7 malillugu akuersissuteqartoqarnissaanik qinnuteqanngitsaq.
- 3) §11, imm. 4 imaluunniit §§ 20-22 naapertorlugit peqqussutinik, inerteqqutinik piumasaqaatinilluunniit unioqqutitsisoq.
- 4) § 13-imut akerliusumik naammagittaalliuuteqarnissamut killiliussap naannginnerani akuersissummik atuisoq.

Imm. 2. Aktiaateqarluni ingerlatseqatigiiffik, piginneqataassuteqarluni ingerlatseqatigiiffik assigisaalluunniit unioqqutitsimappata ingerlatseqatigiiffik taamatut illuni akiliisussanngorlugu pineqaatissinneqarsinnaavoq. Namminersornerullutik Oqartussat, kommuni kommunilluunniit ataatsimoorfiat unioqqutitsisimappata Namminersornerullutik Oqartussat, kommuni kommunilluunniit ataatsimoorfiat akileqquneqarsinnaavoq.

Kapitali 8

Atuutilerfia

§ 26. Nalunaarut 3. september 2004-mi atuutilissaaq.

Namminersornerullutik Oqartussat ulloq 20. august 2004.

Jens Napãtøk

/

Marianne Jensen

Ilanngussaq 1

Ilanngussaq 2